



**Pauli Laymanni e Societate Iesu Jus Canonicum
Commentario Perpetuo Explicatum**

Et Uberi Non Minus Ac Varia Qvam Clara Et Solida Doctrina Illustratum

Commentarius In Librum III. Decretalium

Laymann, Paul

Dilingae, 1698

Capitulum III. Constitutionem.

[urn:nbn:de:hbz:466:1-62482](#)

De Regularibus, & Transientibus ad Religionem. 411

l. 7. de matrimonio. Cætera, quæ in hoc cap.

dicuntur, ex suprà dictis intelliguntur.

CAPITULUM II.

Non solum.

PARAPHRASIS.

Districtè mandat Alex. IV. Fratribus Prædicatoribus & Minoribus in virtute Obedientie, & sub pena Excommunicationis, ne quemquam ante annum probationis elapsum recipiant ad professionem, aut intra dictum annum impedian, quod minus ad aliam Religionem transeat, vel omnino ad seculum redeat; nisi major 14. annis expressè vel tacite professus sit, aut evidenter constet, illum vitam mutare voluisse. Decernit insuper, eum, qui contra hunc Canonem recipitur, non esse Ordini alligatum, ac recipientes à receptione quorumlibet ad professionem, esse ipso facto suspensos, & pœnæ gravmini subdendos.

SUMMARIUM.

Circa Professionem ante completum annum Novitiatū emissam diversis temporibus diversa fuerunt statuta.

PRO intellectu Capituli tria tempora distingue: nam olim annus probationis, secundum regulam præscriptus erat, sed ita, ut ei renuntiari posset à recipiendis, & recipientibus, idèque ex utriusque partis consensu, professio fieri ante exactum annum. c. ad Apostolicam 16. hoc tit. At vero juxta tempus hujus Capituli renuntiatio ista in Religionibus Mendicantium Fratrum Prædicatorum, & Minorum, sublata est, ita ut licet fieri non possit professio, ante completum annum; atramen facta obligaret, non quidem ad hanc, sed ad Religionem aliquam, quam professus ingredi maller: in alijs autem Religionibus nulla veteris juris correctio facta est. Denique

Con. Trid. Sess. 25. c. 15. de regula. universim statuit, ut professio in quacunque Religione (exceptis Militaribus, in his enim professio fieri solet etiam circa annum 13.) ante exactum annum probationis, & completum 16. neque licita, neque valida sit, nullumque effectum producere possit. Vide, quæ docui in cap. consulti 20. & cap. penult.

hoc tit.

CAPITULUM III.

Constitutionem.

Quæ hinc dicuntur, fermè sublata sunt per Trident, intelliguntur verò ex ijs, quæ dixi in c. ad nostram 8. & c. penult. c. 1. hoc l. & tit.

CAPITULUM IV.

Beneficium.

PARAPHRASIS.

Si Clericus Beneficiarius Religionem ingreditur, beneficium ejus intra annum probationis alteri conferendum non est, nisi ipse consentiat; vel nisi constet, quod vitam voluerit absolutè mutare; vel nisi professionem fecerit expressam, vel tacitam: sed interea dum annus probationis durat, beneficio per vicarium inserviri debet, de proventibus parte congruâ eidem assignata.

SUMMARIUM.

1. Beneficium ingressi in Religionem Beneficiati non vacat, durante novitatu; & exceptions, quæ in hoc textu ponuntur, hodie vi Tridentini locum non habent.
2. Novitus Canonicatum habens, utrum tempore novitiatæ jus suffragij habeat, Prelaturâ vacante?
3. Novitio num conferri possit Beneficium?

Fff 2

Notar-